

Free Digital Copy From [ServeNow](#)

*DEE ESE SE
WOHUNU FA
NKWAGYEE HO*

Lars B. Dunberg

ServeNow 

Dee Eɛ Sɛ Wohunu Fa Nkwagyɛ Ho

***The Basic Things You Need to Know About Salvation
(Asante Twi)***

Ɔtwɛrɛfoɔ: Lars B. Dunberg

Owurayɛ Tumi © 2014,2018 *ServeNow* na wɔde ma.

ServeNow nko ara na wɔma ɛkwan ma wɔde Owurayɛ Tumi no di dwuma.

ISBN 978-1-964796-10-9

Twerɛsem a wɔafa afiri Asante Twi Nkwa Nsem™ mu,

Owurayɛ Tumi © 1996, 2020, Biblica Inc. na wɔde ma.

Biblica Inc. nko ara na wɔma ɛkwan ma wɔde Owurayɛ Tumi no di dwuma wɔ wiasɛ afanan nyinaa.

ServeNow na ɔtintimuɛ

1817 Austin Bluffs Parkway #110

Colorado Springs, CO 80918, USA

Dee Eɛɛ Sɛ Wohunu Fa Nkwagyee Ho

Nnianimu

Kasasin ahodoɔ pii na nnipa binom de akyerekyere nkwagyee aseɛ. Ebinom se eye “awoforo.” Aforo nso se eye “kanea a ehyeren wo esum mu” nanso aforo binom nso susu se eye honhom mu ogyee dwumadie.

Asemfua ‘nkwagyee’ ase tee betumi aye tena. Eye nsemfua nwanwaso a yetaa te wo asoredan mu no mu baako. Na sen na aseɛ kyere?

Nkwagyee ye asemfua titire wo Twere Kronkron no mu. Woaka no beborɔ mpen ahanu aduwotwe nsia (286) wo Twere Kronkron no mu. Ansa na yebedo mu asuko anaase yebepensempensem ne nyinaa mu no, momma menka nsem mmiensa.

Nkwagyee ye adeɛ a wohunu wo w’abrabo mu, enye owuo akyi, na mmom seesei ara

Paul atwere wo ne nkrataa a ewo Apam Foforo mu no mu se, *esiane n’adɔye a edɔso ma yen enti, Onyan-kopɔn a n’ahummaborɔ dɔso no maa yen nkwa wo Kristo mu, wo eberɛ a anka yeawuwu wo amumuye mu mpo; adom enti na woagyɛ mo nkwa* (Efesofɔ 2:4-5).

Ogyee yen firii esum tumi ase de yen baa ne Do Ba no Ahennie mu dwoodwo (Kolosefɔ 1:13).

Ogyee yen nkwa. Enye nnwuma pa bi a yeaye enti, na mmom, onam n’ahummaborɔ mu ahohoro yen ho,

agye yen nkwa, ama Honhom Kronkron no awo yen foforo ama yen nkwa foforo (Tito 3:5).

Onyankopɔn nhyehyee wɔ nkwagyee ho no ye tiawa na eye tee

Onyankopɔn baa m'abrabo mu wɔ eberɛ a na madi mfee dumieniu (12). Osasaa me koraa enna omaa me asomdwoee, anigyee ne abrabo foforo. Saa berɛ no na menni anyamesem ho nimdee biara enna na mennim honhom mu nokwasem a emu do biara nso, nanso omaa me deɛ na mehia pepepepe wɔ saa berɛ no. Eɛda a menyaa nkwagyee no, osem pakafɔ no de Yesu anom asem yi too dwa sɛ: *Obiara a oɛba me nkyen nso no, merempam no*. Mekoo ne nkyen na mehunu sɛ n'asem no ye tee na esan ye nokore.

Nkwagyee ye ahintasem nwanwasoo

Deɛ etoo me saa da no, na enye nimdee anaa nyan-sa ne adwen mu nsakrae bi keke. Mehunu sɛ Yesu nam Onyankopɔn tumi so abo awura m'abrabo mu. Na mehunu sɛ n'asomdwoee, ne nkwa ne ne do aba me nipadua mu. Deɛ Onyankopɔn hyee aseɛ wɔ me mu mfee bebree akyi nie no da so ko so saa berɛ yi nyinaa.

Asemfua 'nkwagyee' no—n'asekyere

Asemfua 'nkwagyee' traɛ mu no, aseɛ kyere sɛ “yerebo obi ho ban anaase yereyi obi afiri tebea a eye hu yie mu.” Apam Foforo mu no, wode asemfua 'nkwagyee' kyere sɛ wɔagyee obi afiri tebea a eye hu pa ara yie bi te sɛ eberɛ a na Yesu asuafoɔ no wɔ epo no so a na epo asorokye remem won kodoɔ no mu. Nanso, mpen pii wɔ Apam Foforo mu no, wode asemfua 'nkwagyee'

kyere se, “obi ade ne ho afiri bone mu.” *Obewo obari-ma na wato no edin Yesu, ase ne Agyenkwa, efiri se, mo na obegye ne nkurfo nkwa afiri won bone mu* (Mateo 1:21). Osomafo Paul ka wo 1 Timoteo 1:15 se, *Yei ye nokwasem a ese se yegye tom na yegye di koraa se: Kristo Yesu baa ewiase begyee nneboneyefo nkwa.* Kristo nkwyee gye nnipa firi tebea a eye hu yie pa ara sene nkae no nyinaa mu: bone a ewo nnipa akoma mu.

Mesususē, ehobehiasēmeka se asemfua ‘nkwyee’ nye “Akristofo nko ara asemfua.” Osom ahodo nso ka ‘nkwyee.’ Nanso, sedee wosi te nkwyee ase ne ntease a yena firi Twere Kronkron mu no ye sononko. Nhweso, Nkramofo hunu nkwyee se eye anigyebea a honhom ne honam apede nyinaa wo. Hindufo hunu nkwyee se ene se wogyee wo afiri awo mu ako-ne-abadie mu ako beae a ete, enna Buddafo nso hunu se, nkwyee ne se woaduru honhom mu peye tebea a anigye ne asomdwoe wo (Nirvana) – honhom man a kommye ne adwendwene, ahot ne anigye ahye ho ma, a hwee nni mu, a eh na wobeye Buddani. Marxfo hunu nkwyee se eye oman bi a wokyekyere no foforo sononko bi a enam so ma onipa hunu se ne kra aba ne ho. Ne nyinaa mu no, nnipa hunu se nneema nko so sedee efata na won nipadua mu no, wohunu se wohia nkwyee. Saa nwoma yi mu, yebegyina Akristofo nkyerkyere so asua nneema a eh hia afa nkwyee ho.

Akristofo nkwyee ye akyede a efiri Onyan-kopon, na ode kye kwa. Kristosom nte se osom ahodo no a wogyee biribi de si nkwyee ananmu no. Akristofo nkwyee gyina Kristo nnwuma so na ennyina

sedee ogyidini bi si bə ne ho mməden wə ɔsom no mu so. Sedee anka yepɛ se yebɔ yen ho mməden toa Onyankopɔn wə ɔsoro no, ente saa na mmom, ɔno ankasa aba yen nkyen wə asase yi so ha! Ɔfaa yen su sedee ebeye a yen nso yebetumi afa ne su. *Na Kristo nni bɔne, nanso yen enti, Onyankopɔn maa ɔfaa yen bɔne sedee ebeye a, yenam ɔno Kristo so beye teneefoɔ wə Onyankopɔn anim* (2 Korintofoɔ 5:21).

Ɛdeen ne nkwagyee?

Nkwagyee fapem anaa nnyinasoɔ ye Yesu Kristo abrabɔ, ne wuo ne ne wusɔree. Yesu wuo no di akoten wə nkwagyee mu deɛ nanso, se Yesu abrabɔ kronkron no ne ne sɔree nka ho a, ne wuo no nni mu. Ne tiawa mu no, nkwagyee ye Onyankopɔn kwan a ɔfa so yi nnipa firi bɔne ne honhom mu wuo mu. Enam adwensakra ne Yesu Kristo mu gyidie so na ɛba. Apam Foforo no ma ɛda adi se, wɔn a wɔgye Yesu Kristo di no, wɔyi wɔn firi Onyankopɔn bɔne ho atemmuo ne ɛho asotwe a ɛye owuo a enni awieeɛ no mu.

Obiara hia nkwagyee

Ɛwom se Tweaduampɔn Nyankopɔn na ɔbɔɔ yen enna ɔyee yen ne yɔnkonom, nso nnipa nyinaa ayera afiri ɛkwan a ɔtwaa se yemfa soɔ no so. Enam yei nti, nnipa ne Onyankopɔn, ne deɛ wahyehye ama yen nyinaa ntam ate. Se ɔnka ho a, abrabɔ ye bisibasaa.

Wɔawo nnipa nyinaa wə ɛkwan bi so a ɛma wɔhia tebea foforo. Wɔawo yen agu nkoasom mu te se nnɔnkɔfoɔ a yerenyini mpo no, yekɔ so ara nyini wə nkoasom mu ma yen tebea hye yen so ma yebu Onyankopɔn mmara animtia. Yen ara rentumi nsakra

yen tebea efiri se bone abunkam afa yen so. Yen nneyee ne yen suban di adanse se yewo nkoasom mu. Enam yei nni, yebɔ yen bra wɔ esum kabii bon mu, na efiri tete nteredee besi nne, nyansa dodoɔ, adwendwene ne ahotee mu nkonimdie biara nni ho a atumi atwe onyini ne owuo ho nhyehyee no asan akyire. Efesofoɔ 1:7-8 ka kyere yen se, *Ne mu na yenya agyee a efiri ne mogya mu. Ne mu na yenya bonefakye nso, sedee Onyankopɔn adom mmorosoo a ɔde nyansa ne nteasee nyinaa hwie guu yen so no tee.*

Na bone afa yen nyinaa dommum. Yohane Nwoma no mu, Yesu ka se, *Eno enti na meka kyere mo se mobewu wɔ mo bone mu no. Na se moannye anni se, mene dee mene a, mobewu wɔ mo bone mu* (Yohane 8:24). Romafoɔ 3:23 si asenkoro yi so dua se, *Na nnipa nyinaa aye bone ama Onyankopɔn animuonyam abɔ wɔn.*

Yen nyinaa ye adeboneyefoo wɔ Awurade anim emfa ho se yen mu biara ye sononko. Ebinom hye afadee a eye fe a ne boɔ ye den; afoforo nso fura ntomago. Ebinom ka nsemfo enna afoforo nso ka kasa a eho tee. Ebinom te ahemfie enna afoforo nso da apata ase. Ebinom ye osom nneduafoɔ enna ebinom nso ye annyeani nneduafoɔ, nanso wɔn nyinaa ye nneduafoɔ.

Yeka honhom mu nnommum a, ekyere sen? Efesofoɔ Nwoma no ka se, *Mo dee, na moawuwu wɔ mo amumuye ne mo bone a na anka mote mu, eberɛ a na modi ewiase ne ewiem sodifoɔ ahennie akyi no ne honhom a seesei ereye adwuma wɔ wɔn a woye asoɔden mu no. Eberɛ bi, yen nyinaa ne wɔn tena dii honam akɔnnɔ akyi yee ohonam apedee ne ne nsusuie. Yen nso na ese se Onyankopɔn abufuo ba yen so* (Efesofoɔ 2:1-3).

Ebetumi aba se yebebo yen ho mmøden se yebeye sononko nanso eremmoa. Ebia yebere se yebebo yen ho mmøden asene kane no nanso mfasoo biara remma so. Onyankopon pe se one yen nya nkitahodie amapa nanso yerentumi nnyina yen ankasa ahøoden so mma yei mma mu.

Yen nyinaa aye se obi a ne ho ntee, na yen tenenee nneyee nyinaa te se ntomago fi... (Yesaia 64:6).

Sede Atweresem no ka se, obiara nye oteneneeni; obiara nye obadwemma; na obiara nni ho a ohwehwe Onyankopon akhiri kwan. Nnipa nyinaa atwe won ho afiri Onyankopon ho; won nyinaa aye bone. Obiara nni ho a nye papa. Obaako mpo nni ho (Romafo 3:10-12). Bone afa yen dommum.

Twa nneduafo a yeato won santen a wonam ekwan ho a wøde nkønsønkønsøn agugu won nsa ne won nan akeka won atoatoa mu ho mfonini wø wo tirim. Wøaye mmre, wøakuntunu ho abre na won ho aye fi.

Obi pagya ne nsa mpofirem. Nkønsønkønsøn no abubu na oteam, "Hallelujah, made me ho! Na subam-møne akyekyere me a na nnubønenom mma mennya ahotø, nanso Yesu aba ama made me ho!"

Ababaawa bi a øgyina n'akhi pøe pagya ne nsa a ne nkønsønkønsøn nyinaa abubu. "Hallelujah, me nso made me ho! Na mempe m'awofo ne m'abusuafo asem. Na me ne won nka koraa. Medwane firi efie køtena baabi a awerehoø, øtan ne amanehunu wø. Nanso Yesu asesa m'akoma ama made me ho. Seesei dee, metumi adø m'awofo!"

Won baanu anya nkwyee a økyere se, enam Yesu mogya no tumi so ama won bone nkønsønkønsøn no abubu ama wøde won ho.

Twere Kronkron no kyere se, yehia se yehunu Onyankopon wo yen abrabo mu, na ama yeatumi abo yen bra ahoden mu ama yen nsa aka yen botae a esi yen ani so wo yen abrabo mu no. Se Onyankopon nni mu a, yen abrabo rennwie peye esiane se, yerenhunu ekwan fororo biara a yebefa so abo yen bra.

Aden nti na yehia nkwagye?

Efiri se, yen awofoo a wodi kan, Adam ne Eve, tee atua na enam so maa bone tetee yen nyinaa ne Onyankopon ntam. Yeye nipa a Onyankopon pe se one yen tu anammun, nanso yen bone ama yene ne ntam ate, na enam so ama yehwere yen honhom mu tumi. *Na nipa nyinaa aye bone ama Onyankopon animuonyam abo won* (Romafo 3:23).

Onyankopon ye kronkron na bone ntumi nnyina n'anim. Ne kronkronye hia asotwe ne bone so akatua (mpatade) a na ewo ho na eda so wo ho seesei ara a eye owuo a enni awiee no. Yen wuo rentumi ntua yen bone no so ka. Gye afodee a efi ne nkekaawa biara nni ho a woboo no kwantenenee so nko ara na ebetumi atua yen bone no so ka ama yen. Yesu, Onyame-nipa a efi nni ne ho no, de ne ho beboo saa afodee korogyee a edi mu na efi nni ho no tuaa yen bone no so ka korakora. Aden ntira? Efiri se, Onyankopon do yen na ope se one yen tena afeboo.

Bone so asotwe ye owuo a enni awiee

Onyankopon kronkronye ne ne nokoredie hwehwe se, wobetua bone ne atuatee so ka, na asotwe anaa akatua a ewo ho ma bone ara ne owuo a enni awiee.

Na bɔne so akatua ye owuo, nanso Onyankopɔn akyedee ye nkwa a enni awiee, wɔ Kristo Yesu yen AWURADE mu (Romafoɔ 6:23).

Enti sedee bɔne di nnipa so de wɔn kɔ owuo mu no, saa ara na adom no nam tenenee so de daa nkwa a ewɔ Yesu Kristo, yen AWURADE mu beba (Romafoɔ 5:21).

Adɛn nti na na eɛe se Yesu wu?

Saa asemmisa yi ho hia pa ara wɔ Kristosom mu. Yeinom nyinaa akyi no, Akristofoɔ binom ntumi mmua asemmisa no. Yebehwe asemmisa no yie na yede eho mmuaee a Tweresem de ma no nyinaa ato dwa.

Nanso, ansa na yebebua asemmisa no, eho hia se yete aseɛ se, na Yesu nim botaeɛ a ede no baa asase yi so se ɔde ne kra bebɔ afɔdeɛ no yie. Ne tiawa ne se, na Yesu nim se, eyɛ n'Agya pe se ɔwu.

Marko 10:32-34 ka kyere yen se, Yesu hunuu se na ne wuo no ho him. *Afei, wɔsiim se wɔrekɔ Yerusalem a na Yesu di wɔn ekan; na eberɛ a asuafoɔ no di n'akyi no, ehu ne suro kaa wɔn. Yesu twee wɔn gyinaa nkyen, na ɔsane kaa nneema a, se wɔduru Yerusalem a, ebeba ne so no nyinaa kyeree wɔn. Ɔka kyeree wɔn se, Se yeduru hɔ a, wɔbeyi me, Onipa Ba no ama asɔfoɔ mpanin ne Atweresem no akyerɛkyerefoɔ, na wɔabu me kumfɔ, na wɔde me ahyɛ Roma aban nsa, na wɔakum me. Wɔbedi me ho few, na wɔatete ntasuo agu me so, na wɔde mpire atwa me mmaa, na wɔakum me, na nnansa so no, masɔre bio.*

Marko 10:43-45 hɔ no, Yesu ka se, *nanso mo dee, ente saa wɔ mo ho. Obiara a ɔpe se ɔye kese wɔ mo mu no, eɛe se ɔye mo ɔsomfoɔ. Na obiara a ɔpe se ɔye ne nuanom so panin no eɛe se ɔye wɔn nyinaa akoo.*

Me a meye Onipa Ba no, mamma se wansom me na mmom, mebae se merebeboa afoforo, na mede me kra aye mpata ama nnipa pii.

Bio, Marko 14:22-25 ho no, Yesu hye nkam fa ne wuo no ho. *Ebere a woredidi no, Yesu faa abodoo, na zhyiraa so bubuie, na ode maa won kaa se, “Monnye nni; yei ne me onipadua.” Afei, ofaa kuruwa a nsã wo mu, na oada ase no, ode maa won, na won nyinaa nom bi. Na oka kyeree won se, “Yei ne me mogya a eye apam no mogya a ehye Apam Foforo no mu den a be-bree enti worehwie agu. Mereka akyerẽ mo se, merenom saa nsã yi bio da akasi eda a me ne mo benom bi bio wo Onyankopon Ahennie no mu.’*

Enna Yohane 10:17-18 ho nso, Yesu ka se, *Agya no do me efiri se, masiesie me ho se mede me nkwa beto ho sedee ebeye a daakye me nsa beka bio. Obiara rentumi nnye me nkwa mfiri me nsam. Me ara me pe mu na mede bema. Mewo tumi se mede ma na mewo tumi nso se mesane gye bio. Yei ne dee m’Agya ahye me se menye no.*

Saa nkyekyemu a etwa too yi nso kyerekyere dee enti a nyansasem biara nnim se yede Yesu wuo no ho soboo bebo obi no mu. Na Yesu wo tumi se “ode ne nkwa to ho” na “osan fa n’adee,” nti ofirii ne pe mu na ode ne nkwa too ho. Won a wode nnadewa boboo ne nsam no boaa keke maa nkamhye no baa mu.

Na ese se Yesu wu efiri se Onyankopon ye kronkron

Ɛwom se Onyankopon ye mmaborohunufoo, tumi wura enna bonefakyefoo, Onyankopon san ye kronkron, oteneneeni ne onokwafoo.

Nanso Asafo Awurade atentenenee bepagya no, na Kronkron Onyankopɔn de ne tenenee beda ne ho adi se Ɔkronkronni (Yesaia 5:16).

Na eɛ se Yesu wu efiri se bɔne ne kronkronye nni twaka

Enam onipa baako asoɔden so na bɔne baa ewiase, na enam so ama seesei, wɔde saa “bɔne su” no awo obiara.

Bɔne nam onipa baako so na ebaa ewiase, na ne bɔne no de owuo bae. Eno enti owuo tre baa nnipa nyinaa so, efiri se, wɔn nyinaa yee bɔne (Romafoɔ 5:12).

Na nnipa nyinaa aye bɔne ama Onyankopɔn animuonyam abɔ wɔn (Romafoɔ 3:23).

Na eɛ se Yesu wu efiri se bɔne tete yene Onyankopɔn ntam

Nanso, mo amumuye na atete mo ne mo Onyankopɔn ntam; mo bɔne ama n’anim ahinta mo a enti ɔrente (Yesaia 59:2).

Na eɛ se Yesu wu efiri se Onyankopɔn do yen

Na sedee Onyankopɔn do ewiase nie; se ɔde ne Ba a ɔwoo no korɔ no mae, na obiara a ɔgye no di no anyera, na mmom wanya nkwa a enni awiee (Yohane 3:16).

Na eɛ se Yesu wu hwie ne mogya gu ma yen

Tweresem no ka kyere yen se, *yenam ne mogya no so ade yen ho.* Aden enti na mogya?

Twere Kronkron no mu nyinaa, wɔde mogya gyina ho ma ahofadie: wɔamfa wɔn nsa anka Israelmma no wɔ eberɛ a na wɔrefiri Misraim no enam mogya a na wɔde akeka wɔn apono ano nti. Mmoa a na wɔde wɔn

bɔ afɔrɛ ma bɔne a na nnipa ye no ye Yesu mfonini a egypta ho se “Adwammaa,” a efi nni ne ho mogya a ohwie gu maa yen no. Kristo asennua no ma yekae mogya no a ohwie gu maa yen sedee ebeye a yebede yen ho afiri yen bɔne bebrebe no ho.

Yen ankasa yen wuo rentumi ntua yen bɔne so ka. Dee eho hia ara ne afɔrebɔ a efi ne nkekaawa biara nni ho a wɔbɔɔ no wɔ kwampa so. Yesu, Onyame-nipa a efi nni ne ho no, ba bebɔɔ saa afɔdee a eye korɔgyee, ewie peye na ete ase daa no. Oyee saa no, enye yen bɔne nko ara na ɔpɔpae, na mmom ɔtuaa yen aka nyinaa.

Efiri se, monim bo a wɔtua de gyee mo firii abrabɔ bɔne a mo nananom kyeree mo no mu. Enye adee a ehwere ne bɔɔ a esom te se dwete anaa sikakɔkɔ no. Na mmom Kristo a ɔye odwammaa a ɔnni dem no de ne ho bɔɔ afɔdee a ne bɔɔ ye den ma monyaa ahofadie (1 Petro 1:18-19).

Esiane se mma no wɔ honam ne mogya enti, Yesu nso baa onipa tebea mu sedee ebeye a ɔnam ne wuo no so besee ɔbonsam a ɔkura owuo tumi no ahɔɔden. Na ɔnam so agye wɔn a esiane se wɔsuro owuo enti, wɔn asetena mu nyinaa, wɔaye nkoa no.

Eye nokore turodoo se enye abɔfɔɔ na ɔboa wɔn. Na mmom, sedee Atweresem no ka no, “ɔboa Abraham asefɔɔ.” Yei kyere se, ekwan biara so no, ese se ɔye se ne nuanom sedee ebeye a, ɔbeye wɔn nokwafɔɔ ne mmɔborɔhunufɔɔ ɔsɔfopanin wɔ Onyankopɔn anim, na enam so ma wɔde nnipa bɔne akye wɔn (Hebrifɔɔ 2:14-17).

Ɛkwan bɛn na yɛfa so nya nkwagyee?

Dee Onyankopɔn nam Yesu Kristo wuo a ɔwu wɔ asemua no so aye ama yen no ye nkwagyee fapem ne nenkyereasee. Onyankopɔn nhye obi se ɔne no mmo abusua. Waye biribiara krado ama yen, nanso eɛe se yanya nkwagyee a wɔde kye kwa no na ama yeanya Onyankopɔn abusuabɔ no so mfasoɔ.

Yesu nko ara so na yenam nya nkwagyee

Yesu Kristo nko ara so na yebetumi afa anya bɔnefakye, na asiesie yene Onyankopɔn ntam. Yen bɔne na ama yene Onyankopɔn ntam ate na Yesu Kristo mogyaa nko ara na ebetumi apopa saa bɔne no.

Na Kristo nni bɔne, nanso yen enti, Onyankopɔn maa ɔfaa yen bɔne sedee ebeye a, yenam ɔno Kristo so beye teneneefoɔ wɔ Onyankopɔn anim (2 Korintofoɔ 5:21).

Nanso, Onyankopɔn aka mo abata Kristo Yesu ho na Onyankopɔn nam Kristo so ama yen nyansa; enam ne so ma yeatene wɔ Onyankopɔn anim. Yeye Onyankopɔn ahotefoɔ a wama yeade yen ho (1 Korintofoɔ 1:30).

Peter gyina Yudasom mpanimfoɔ anim rekasa no, ɔkaa sɛ, *Yesu ne onipa a Atweresem ka fa ne ho sɛ, Eboɔ a mo adansifoɔ poee no a abeye tweekiboo. Ɔno nko ara mu na nkwagyee wɔ; efiri sɛ, edin biara nni ewiase ha a nnipa nam so benya nkwagyee (Asomafɔɔ 4:11-12).*

Yenam Onyankopɔn fre so nya nkwagyee

Ɔfre a ema obi nya nkwagyee ye Onyankopɔn adwuma. Yesu ka wɔ Yohane 6:44 sɛ, *na obiara nni ho a ɔbetumi aba me nkyen, gye sɛ Agya no a ɔsoma me no twe no ba me ho enna Yohane 15:16 twe yen adwen si so sɛ, Enye mo na moyii me; me na meyii mo.*

Onyankopɔn frɛ ho hia ma yen na ama yeatumi anya ne nkwayee no. Yen ara yerentumi nnye yen ho nkwa.

Yenam gyidie so nya nkwayee

Yohane 3:16 hɔ no, Yesu ka sɛ, *na sɛdeɛ Onyankopɔn dɔɔ ewiase nie; sɛ ɔde ne Ba a ɔwoo no korɔ no maeɛ, na obiara a ɔgye no di no anyera, na mmom wanya nkwa a enni awieeɛ.*

Saa gyidie yi ye kɛsɛɛ sene se wonam wo nyansa so gye nokwasɛm no tom. Eɣyina nyansa mu gyidie fapem so. Enye gyidie no ara na ehia na mmom, gyidie a ɛwɔ deɛ wogyɛ no die no mu. Sɛ wogyɛ Kristo anaa Onyankopɔn di a, na ekyerɛ sɛ wogyɛ Onyankopɔn ne ne bɔ a wahyɛ no di.

Gyidie gu mu ahodoɔ mmiensa. Nokwasɛm mu gyidie wɔ hɔ, efiri sɛ gyidie amapa hyɛ aseɛ wɔ gyidie a wobɛnya wɔ w'adwenem so. Asem no gyidie wɔ hɔ, anaasɛ Onyankopɔn bɔhyɛ ahodoɔ no. Nanso deɛ ɛboro yeinom nyinaa sɔɔ ne onipa Ba no mu gyidie – Yesu Kristo. Yei hia ɔɔɔ ne gyidie nkitahodie amapa wɔ Kristo mu.

Yenam adom so nya nkwayee

Adom ye adɔɛɛ a ɛmfata obi nanso wanya. Efesofoɔ 2:8-9 ka sɛ: *Ɛye adom no enti na wɔnam gyidie so agye mo nkwa. Ɛmfiri mo ankasa, eye Onyankopɔn akyedee. Ɛmfiri nnwuma mu, na obi de ahoahoa ne ho.* Adom ye Kristo akyedee a ɔde ma nnipa a anka wɔnsɛ mfata saa akyedee no. Onyankopɔn nam Yesu Kristo wusɔrɛɛ no so ama yeanya nkwayee. Seesei, nkwayee abeye akyedee a ɛsɛ sɛ yɛnya. Enye adeɛ a yebrɛ nya. Yede nkwayee akyedee no ma kwa sɛdeɛ

yekenkanee wɔ Efesofoɔ Nwoma no mu no. Paul ka wɔ Romafoɔ 5:8 se, *Nanso, Onyankopɔn da ne dɔ adi wɔ yee mu se; eberɛ a yeye nnebɔneyefoɔ no, Kristo wu maa yen.* Yenyee biribi a ɛma yɛfata Onyankopɔn adɔee ne ne dɔ. Nanso yei na ɛkyere adom turodoo – adɔee a anka yɛmfata se yɛnya. Yɛnam Onyankopɔn adom ne ne mu gyidie so nya nkwagyee se akyɛdeɛ a wɔde ma kwa.

Yɛnam adwensakra so nya nkwagyee

Peter nsem a ɔkaa wɔ Pentecost da no akyiri no, nnipa kekaa wɔn ho hyee asee bisabisaa deɛ ɛse se wɔye ho nsem. Peter ka kyereɛ wɔn se, *Monnu mo ho na wɔm-mɔ mo asu wɔ Yesu Kristo din mu sedee ebeye a, wɔde mo bɔne bekye mo na moanya Onyankopɔn akyedeɛ a eye Honhom Kronkron no* (Asomafoɔ 2:38). Asomafoɔ 3 ho no, Peter rekasa bio na ɔresre se, *Monnu mo ho na monni Onyankopɔn akyi, na ɔde mo bɔne akye mo* (Asomafoɔ 3:19).

Yɛhunu asemfua ‘adwensakra’ wɔ Apam Foforo no mu mpen pii a ne dodoɔ no ara kasa fa Kristoni abrabɔ ahyeaseɛ ho. Ansa na Yesu rebekɔ ɔsoro no, ɔka kyereɛ n’asuafɔɔ no se wɔnka adwensakra ne bɔnefakye ho nsem nkyere amanaman nyinaa.

Paul ne Efeso mpanimfoɔ redi nkra no, ɔka kyereɛ wɔn se, *Mebɔɔ Yudafoɔ ne amanamanmufɔɔ no kɔkɔ se wɔntwe wɔn ho mfiri wɔn bɔne ho, mfa wɔn ho mma Onyankopɔn, na wɔnnye Yesu Kristo nni* (Asomafoɔ 20:21).

Wɔhunu Asempa no se ɛwɔ subanpa, abrabɔpa ne ahoteɛ sononko bi wom. Wɔhwe ma ɔdebɔneye-ni a ɔbete na wagye Asempa no atom no “sakra,” a ɛkyere se watwe ne ho afiri n’abrabɔ dada no ho.

Saa ahopakyire yi som bo sene ahonu a wobɛnya afa w'abrabɔ dada no ho. Eye suban nsakrae a ekyerɛ wo kwampa a ede wo kɔ abrabɔ foforɔ bi mu. Yei ne adwensakra no.

Yenam owusɔrɛe no so nya nkwagyee

Yesu wuo no so na Onyankopɔn fa yii bɔne firii hɔ; tete asafo no bɔɔ Yesu sɔrɛe no ho dawuro sɛ adanse-didee a ekyerɛ sɛ, nokorɛm, na Kristo wuo no di mu na ɛsɔ Onyankopɔn, Agya no, ani.

Amannee a efa Kristo sɔrɛe ho no nye adee a wɔsuaa wɔ sukuu dan mu. Adansedifoɔ a wɔdii kan no kaa ho asem sɛ eye nokorɛ turodoo.

Nkwagyee de bɔnefakye ba

Sɛ wogyɛ Kristo Asempa no tom a, Kristo de wo bɔne a woayɛ wɔ w'abrabɔ mu nyinaa bɛkyɛ wo.

Kristo wuo no nko ara na etua bɔne ka ma obi nya bɔnefakye, na Onyankopɔn de ma kwa a ɔrennye bio koraa. Bɔnefakye nkyerɛ sɛ wɔapopa yen bɔne ahodoɔ a yeayɛ dada no nko ara – ɛsan nso kyere abrabɔ foforɔ ahyɛaseɛ. Enam sɛ Onyankopɔn de yen bɔne kye yen enti, ɛma yen ani gye wɔ n'ayɔnkofa no mu na ɛma ɔsan gye yen tom.

Efesofɔ 1:7-8 ka sɛ, *Ne mu na yenya ɔgyee a efiri ne mogya mu. Ne mu na yenya bɔnefakye nso, sedee Onyankopɔn adom mmorosɔɔ a ɔde nyansa ne nteasee nyinaa hwie guu yen so no tee.* Nkɔmhyeni Yesaia hyɛe adwuma a na Onyankopɔn nam Yesu Kristo so beyɛ no ho nkɔm. *Me, me ara, mene dee ɔpɛpa mo bɔne, me enti, na menkae mo amumuyɛ bio* (Yesaia 43:25).

Mekae ababaawa bi a aka kyereɛ Yesu se amra n'abraba mu na ammesakra no. Ansa na ababaawa no rebekaa saa asem yi akyere Yesu no, na wadi anyame nkete wa bebree akyi a na onnim Onyankopon. Na onnim biribi a yefre no bonefakye enna na stan nipa a woben no nyinaa. Nanso yekaa yen ho bo mu bo mpae no, n'anim sesae na ode anigyeɛ enne teaa mu kaa se, "Wode me bone akye me! Enti seesei, me ho ato me!"

Wohwe 2 Korintofoɔ 5:17 ho a, nsemfua yeinom na wode kyerekyereɛ mu: *Se obi wo Kristo mu a, na oye abodeɛ foforo, na nneema dada nyinaa atwam ama nneema foforo aba.*

Apam foforo ka nkwyee ho

Se onipa bi nya nkwyee a, Onyankopon ne saa ogyidini foforo no ye apam foforo. Na apam dada no ye nteaseɛ a eda Onyankopon ne Yudafoo ntam a na egyina Moses Mmara so. Na saa mmara no kyere won sedee wansi mmɔ won bra wo bere a oyii won firii Misraim anaa Egypt no. Na saa apam dada yi ye apam foforo no sunsum a na ekyerekyere apam foforo no mu nsem nyinaa mu yie. Enam Yesu Kristo wuo no so na yenyaa apam foforo no a anka apam dada no ntu mi mma yennya da biara da. Enam apam foforo no so ama ogyee abeye nipasua anaa ankorankoro ne nipamu nsem. Kristo mogyahwiegua no nhohoro bone nko ara na mmom, ema Onyankopon akwannya ma "osan to" odeboneyeni. Na eye abooden pa ara nanso na Onyankopon aye krado se obetua.

Onyankopɔn asi no pi aka sɛ, enam deɛ ɔno Onyankopɔn aye ama onipa no a wagye Kristo adi esiane ne wuo no nti a, saa onipa no ye ɔteneneeni.

Awofoforo ka nkwagyee ho

Onyankopɔn sesa ogyidini ma no beye abodeɛ foforo. Sadeɛ Honhom no nsakraɛ adwuma no ano ye den nti no, woka sɛ eye awofoforo. Wɔkyere sɛ, eye awoo a “ɛfiri ɔsoro.” Se obi sakra na ɔgye Kristo di a, Honhom Kronkron bɔ wura saa nipa no abrabɔ ne ne nipa-dua mu de no kɔka Onyankopɔn abusua no ho. Honhom Kronkron san ma saa nnipa no tebea foforo a ɛma wɔnya adwenemtee, ɛma wɔnya ɔdɔ ma Onyankopɔn abusua no na afei nso ɛma wɔnya gyidie wɔ Kristo mu.

Onyankopɔn ne ogyidini no nya abusuabɔ sononko. ɛnkɔsi sɛ nnipa begye Asempa no adi na wɔatu ho anammɔn no, wɔne Onyankopɔn ntam nwo. Eye Kristo wuo no nko ara na esesa saa tebea yi. Kristo ankasa gyee adasamma fɔdie ne wɔn bɔne ho asotwe too mu kɔwuu wɔ asennua no so. Nanso, esiane sɛ ankorankoro na ɛka bom ye adasamma nti no, ɛkyere sɛ, ɔwu maa wo ne wo bɔne ahodoɔ nyinaa! ɛkwan no abue ama ɔdebɔneyeni biara a wasakra sɛ ɔbefa deɛ Kristo yeeɛ no so ne Onyankopɔn aka abom ananteeɛ.

Apam Foforo nwoma ahodoɔ no kɔ so ara kye nkwagyee mu afa mmiensa. Deɛ ɛdi kan ye, Onyankopɔn adom a ɔde kye kwa a eye anammɔntuo ne fapem a ɛdi kan no. Deɛ ɛtɔ so mmienu ye, nyamesom kɔ so ara tu mpɔn wɔ Kristoni no mu. Deɛ ɛtɔ so mmien-sa ne sɛ, animuonyam ye daakye anidasoɔ. Kristoni ahotosoɔ kesee pa ara ne Kristo mmaee, owusoree ho

bɔhye no ne kyefa a enni awiee a ɔwɔ wɔ Onyankopɔn animuonyam mu no.

Ɛdeen na Twere Kronkron no ka fa awofoforo no ho?

Awofoforo no ye anigyesem a ewɔ Kristosom mu no mu baako, nanso sen pa ara na ase kyere, ekwan ben na onipa fa so nya, na se wɔwo obi foforo a, edeen na eye a esi wɔ akyire?

Enti nkwagyee ne awofoforo ne adekoro anaa? Nkwagyee ye dee Onyankopɔn nam Yesu Kristo wuo ne ne sɔree (owusɔree) so aye ama yen no. Awofoforo ye ekwan a ekɔ abrabɔ foforo a nkwagyee de ama wo ne me no mu.

Abasem bi wɔ Apam Foforo no mu a efa ɔbarima bi a na wɔfre no Nicodemus a na ɔka tete Israel badwafɔ ho no ho. Na Nicodemus mpe se obi behunu no nti, ɔkɔ Yesu hɔ anadwo kohwehwee nokwasem no firii ne hɔ. Yesu kaa awofoforo no ho asem kyeree no. Dee Yesu ka kyeree no wɔ Yohane 3:3 no fa yen nso yen ho: *Yesu buaa no se, “Merema woate ase se, se wɔanwo wo foforo a, worentumi nkɔ Onyankopɔn Ahennie no mu.”*

Nicodemus nimdee a ekoron no nyinaa akyi no, wante dee Yesu kae no ase. Yesu kyerekyeree no mu wɔ Yohane 3:5-6 se, enye anisoɔ awofoforo ho asem na na ɔreka, na mmom honhom mu awofoforo: Yesu buaa no se, *“Mereka nokore akyere wo, se wɔamfiri nsuo ne Honhom mu anwo obi a, ɔrentumi nkɔ Onyankopɔn Ahennie no mu. Dee wɔfiri onipa mu awo no no, ye ɔhonam, na dee wɔfiri Honhom mu awo no no, ye honhom.* Ansa na wɔbewo yen foforo no, yete ase wɔ anisoɔ enna biribiara nso nna adi se biribi bone

bi wɔ yɛn ho. Nanso yeyɛ teaseawuo—yɛawuwu wɔ honhom mu. Efa bi nso no, yeyɛ honam abɔdeɛ a bɔne afa yɛn dommum na ɛsan nso hyɛ yɛn so.

Onyankopɔn na ɔde awofoforɔ no ma yɛn

Enti obi betumi awo n'ankasa ne ho wɔ anisoɔ anaa? Dabi, dabida! Saa ara pɛpɛɛɛ na yɛn ankasa rentumi nwo yɛn ho wɔ honhom mu. Onyankopɔn wo yɛn wɔ honhom mu.

Esiane sɛ Onyankopɔn de awofoforɔ yi ma yɛn nti, yɛnim yɛn gyinabea pɔtee. Yei ne anigyesɛm a ɛwɔ Kristosom ho. Enɛ sɛ yɛha yɛn wɔ yɛn nkwegyɛ ho, a ɛberɛ biara na wordwen ho sɛ woabɔ mpacɛ dodoɔ a ɛfata anaasɛ woayɛ papa dodoɔ a ɛsɔ ani. Kristo yɛ maa yɛn na ɛsom bo. Seesei nneema papa (nnɛpa) biara a yɛreyɛ no, yɛbetumi ayɛ no anigyɛɛ mu na mmom enyɛ hu mu.

Awofoforɔ no ma nsakraɛ amapa ba

Asemfua 'awofoforɔ' kyɛrɛ hunu a yɛnam Kristo so hunu nsakraɛ papa wɔ yɛn abrabɔ mu. Ansa na wɔbɛwo yɛn foforɔ no, yeyɛ nnipa porɔɛɛ ne kankan. *Mo deɛ, na moawuwu wɔ mo amumuyɛ ne mo bɔne mu* (Efesofoɔ 2:1).

Yɛn awofoforɔ no akyi na yɛn nsakraɛ no bewie pɛyɛ anaa yɛn nsakraɛ no bewie mudie. Yɛbetumi aka sɛ, enyɛ biribiara sɛ honhom no mu abrabɔ foforɔ koraa. Sei na ɔsomafoɔ Paul ka no wɔ 2 Korintofoɔ 5:17 sɛ: *Sɛ obi wɔ Kristo mu a, na ɔyɛ abɔdeɛ foforɔ, na nneema dada nyinaa atwam ama nneema foforɔ aba!*

Nsakraɛ a ɛyɛ nwanwa ni! Yeyɛ adekorɔ wɔ honam ani, nanso yɛn mu deɛ, wɔde teneneɛ tebea a

Onyame Agya no nam afɔdeɛ a ɔde ne ba Yesu bɔɛ no so maɔ yɛn no asi yɛn bɔne tebea no ananmu.

Awofoforɔ no ma yɛhunu nneɛma foforɔ a ɛho hia

Yɛn tebea foforɔ no ma yɛn kɔn dɔ Kristo ne nneɛma a ɛfiri Onyankopɔn hɔ. Anyɛ bi koraa no, ɛnne deɛ, yebetumi agye Yesu asem a ɔkaɛɛ no atom sɛ, *Mene ekwan no, ne nokorɛ no, ne nkwa no; obi ntumi nko Agya no hɔ, gye sɛ ɔfa me so* (Yohane 14:6).

Sɛ yeyɛ abɔdeɛ foforɔ yi, yɛnim wɔ yɛn nipadua nyinaa mu sɛ, Yesu ne nokorɛ no a yɛfiri mmeresanten ahwehwe ara no. Mɔpɛn dodoɔ a yɛn nsa ka biribi firi ne hɔ no, mɔpɛn dodoɔ no ara na yɛhwehwe foforɔ firi ne hɔ. Sɛ yɛhwehwe no a, ɛfata. Ɛyɛ ne kwan so. Sɛ yɛma yɛn kɔn dɔ Kristo a, yɛnya ɔdɔ a ɛso bi nni baabiara.

Yeyɛ Akristofɔɔ yi mpo, yɛda so yɛ bɔne, nanso ɛyɛ aninguaseɛ ma yɛn ɛfiri sɛ, afei na yɛahunu sedee bɔne a yeyɛ no si ha Onyankopɔn fa. Yɛn abrabɔ foforɔ mu no, yɛhyɛ aseɛ dwennwene nneɛma foforɔ a ɛho hia ho. Yɛpɛ sɛ yɛsɔ Onyankopɔn ani wɔ ɔdɔ mu, ɛnyɛ hu mu, ɛnna afei nso yeyɛ n'abusuafoɔ yi, yɛpɛ sɛ yɛne yɛn Agya ne yɛn Nuabarima Yesu tena asetenapa.

Sɛ yɛbeyɛ abɔdeɛ foforɔ wɔ Kristo mu a, yɛde yɛn adesoɔa kesee sɛ yɛn ara rebɔ mmɔden ahwehwe nkwagyee ama yɛn ho no beto hɔ. Afei awieɛɛ no, yɛbete deɛ Yesu aye ama yɛn no ase. *Eno ansa na mobɛhunu nokorɛ no na nokorɛ no bɛma mo ade mo ho*” (Yohane 8:32).

Meye den na mahunu nkwyee yi wo m'asetena mu?

- Ekwan ben na mefa so abeye ogyidini? Se woren-ya Onyankopon nkwyee akyedee no nye den anaa nyana koraa. Wokyerekyere sedee yesi gye Onyankopon fre so mu wo ekwan tiawa a ewo Onyankopon Asem mu yi mu:

- Gye tom se woye odeboneyeni na twe wo ho firi wo bone no ho. Asomafoɔ 3:19 ka se, *Monnu mo ho na monni Onyankopon akyi, na ode mo bone akye mo.*

Adwensakra tra a mu ase kyere se, “obi asesa n’adwen ama ede nsakrae papa aba ne nneyee mu.” Adwensakra ne se, wobegye atom se woye odeboneyeni. Wobesesa w’adwen apene so ama Onyankopon se woye odeboneyeni. “Nneyee mu nsakrae” a eba no kyere se woatwe wo ho afiri bone ho.

- Gye di se Yesu Kristo wuu wo asennua no so de gyee wo firii bone mu enna omaa wo nkwa a enni awiee. Yohane 3:16 ka se, *“Na sedee Onyankopon dɔɔ ewiase nie; se ode ne Ba a owoo no korɔ no mae, na obiara a ogye no di no anyera, na mmom wanya nkwa a enni awiee.”*

Woregye Yesu adi nso ka adwensakra ho. Wogyae akyinnyegyee na wogyee di a, ede nsakrae ba wo nneyee mu.

- Bra ne nkyen wo gyidie mu. Yesu kaa se, *“Mene ekwan no, ne nokore no, ne nkwa no; obi ntumi nkɔ Agya no ho, gye se ofa me so”* (Yohane 14:6).

Yesu Kristo mu gyidie ye adwensakra a ɛde nsakrae ba nneyee mu—enna nneyee a gyidie tae akyire pa ara ne sɛ wobɛtu anammɔn akɔ n’anim.

- Bɔ mpaee tiawa kyere Onyankopɔn. Ebia wope sɛ Onyankopɔn te wo mmuaee wɔ mpaebɔ mu. Mpaebɔ ye nkitahodie a ɛkɔ so wɔ wo ne Onyankopɔn ntam. Fa w’ankasa wo nsemfua bɔ mpaee. Yenni ɛkwan papa koro pɛ bi a yɛfa so bɔ mpaee. Wo deɛ, firi w’akoma mu bɔ mpaee kyere Onyankopɔn na gye di sɛ wagye wo nkwa. Sɛ wonnim deɛ ɛsɛ sɛ woka a, wobɛtumi abɔ saa mpaee yi:

Oh Awurade,

Megye tom sɛ meye ɔdebɔneyeni. Maye nneɛma pii a ɛnsɔ w’ani. Mabɔ me bra sɛdeɛ me ara mepɛ. Manu me ho na masakra. Mesrɛ wo sɛ fa kye me. Megye di sɛ wowuu wɔ asennua no so de gyee me nkwa. Woyee deɛ m’ankasa mentumi nye mma me ho maa me. Menim sɛ wosan sɔre firii awufɔɔ mu a wote ase na wope sɛ wotena me mu. Maba w’anim seesei resrɛ wo sɛ, bedi m’abrabɔ so. Mede m’abrabɔ hye wo nsa. Boa me na, da biara, memmɔ ɔbra a ɛbesɔ w’ani. Awurade, medɔ wo. Meda wo ase sɛ, me ne wo betena wɔ mmere a ɛnni awieeɛ mu.

Enye hɔ.

Deɛ ɛbɛma woanya awerɛhyem sɛ woanya nkwagyeɛ

Ɛkwan bi wɔ hɔ a wobɛtumi afa so ahunu pefee sɛ woanya nkwahyee. Onyankopɔn Asem ma yen

awerɛhyɛn wɔ berɛ a ɛka sɛ, *Mereka nokorɛ akyerɛ mo sɛ. Obiara a ɔtie me nsem na ɔgye deɛ ɔsoma me no di no, wɔ nkwa a enni awieeɛ. Wɔremmu no atɛn, ɛfiri sɛ, wafiri owuo mu aba nkwa mu* (Yohane 5:24).

Obiara a ɔgye di sɛ Yesu ye Agyenkwa no ye Onyankopɔn ba (1 Yohane 5:1).

Yei ne adanseɛ no: Onyankopɔn ama yen nkwa a enni awieeɛ; na saa nkwa no wɔ ne Ba no mu. Obiara a ɔwɔ ɔba no wɔ saa nkwa no, na obiara a ɔnni ɔba no nni nkwa no (1 Yohane 5:11-12).

Mmma mmmue akyinnyegyɛɛ pono

Nkwagyɛɛ nam gyidie ne adom so na ɛba. Biribiara nni hɔ a wo na woyɛɛɛ, anaasɛ biribi wɔ hɔ a anka wobɛtumi ayɛ ama woafata nkwagyɛɛ. Ɛyɛ akyɛdeɛ a ɛfiri Onyankopɔn hɔ. Deɛ ɛsɛ sɛ woyɛ ara ne sɛ wobɛgye!

Efesofɔ 2:8 ka sɛ, *Ɛyɛ adom no enti na wɔnam gyidie so agye mo nkwa. Ɛmfiri mo ankasa, eyɛ Onyankopɔn akyɛdeɛ.*

Enti, ne tiawa ne sɛ, gye deɛ Twɛrɛ Kronkron no ka kyɛrɛ wo no di. Gyidie wɔ ne bɔhyɛ ahodoɔ no mu.

Ɛdeɛn na ɛdi hɔ a ɛsɛ sɛ meyɛ?

Seesei, woabɛyɛ Kristo akyidini foforo koraa a wordewennwene ɛkwan a wobɛfa so ahyɛ w'akwantuo no ase. Anammɔntuo ahodoɔ enum a ɛho hia a ɛbɛma woakɔ w'anim wɔ honhom mu namyɛ mu bi nie. Ɛwom sɛ eyɛ tiawa nanso ɛbetumi ama wo ahooɔden ama wo ne Awurade ntam nkitahodie mu ayere pampee.

Ka dee ato wò no ho asem kyere obi

Romafoɔ 10:9-10 ka se, *Se wopae mu ka se, “Yesu ne Awurade”, na wogyedi se Onyankopɔn na anyanee no firifi awufoɔ mu a, wɔbegye wo nkwa. Na yefiri akoma mu gye di na wɔabu yen bem, na yede yen ano pae mu ka na yeanya nkwayee.*

Da biara, kenkan wo Twere Kronkron

Hye wo Twere Kronkron akenkan no ase firi Luka Asempa. Afei, kenkan Asomafoɔ no Nnwuma. Wobetumi akenkan Paul nwoma no mu bi. Fa Efesofoɔ hye aseɛ na toa so kɔ Filipifoɔ ne Kolosefoɔ hɔ. Nwoma ahodoɔ no behye wo nkuran wɔ wo gyidie foforo yi ho. Afei, wobetumi asan w’akyi abekankan Nsempa a aka no, nwoma ahodoɔ a aka no ne Adiyisem Nwoma no.

Nokore ekwan a eye mmere koraa a wobetumi afa so “aye ɔpaben” wɔ gyidie mu ne se wobema wo Twere Kronkron akenkan ho ahia wo da biara.

Bɔ mpaee da biara

Mpaebɔ ne se worekasa kyere Onyankopɔn. Enhia se wode nsemfua akeseɛ huhu bi na ebɔ mpaee no. Yenni nsemfua a eye papa ne dee enye papa wɔ mpaebɔ mu. Bɔ mpaee no sedee wo ara wopɛ. Da biara, fa ase-da ma Awurade wɔ wo nkwayee ho. Bɔ mpaee ma wɔn a wɔwɔ ahohiahia mu. Bɔ mpaee pɛ akwankyere. Bɔ mpaee se Awurade mma ne Honhom Kronkron no nhye wo ma da biara. Akwansideɛ biara nni mpaebɔ ho. Wobetumi akata anaase abue w’ani wɔ bere a worebɔ mpaee, wobetumi atena ase anaase agyina hɔ wɔ bere a worebɔ mpaee, wobetumi abu nkotodwe anaase ada

wo mpa so baabiara wo bere biara abo mpaee. Enti, hye asee fa mpaebɔ ka wo daa daa dwumadie ho.

Ene agyidifoɔ afoforɔ ntaa nhyia

Dee enti a yene agyidifoɔ afoforɔ taa hyia ne se ye benya kwan aye nkyerɛkyere, nkabom, osom, Awurade adidie, mpaebɔ na yeakanyan yen ho wo gyidie no mu.

Momma yennnyae yen ho yen ho nhyiamu da sedee afoforɔ bi ye no. Mmom, momma yenhye yen ho yen ho nkuran dendeenden, efiri se, mo ara mohunu se erenkyere na eda no aba (Hebrifoɔ 10:25).

Daa na wode won adagyeɛ nyinaa sua asomafɔ no nkyerɛkyere. Wone won nyaa ayɔnkofa, hyia didi bɔɔ mu ne won bɔɔ mpaee.

Asomafɔ no yee anwanwadeɛ ahodoɔ bebreɛ maa obiara a ɔhunuiɛ no ho dwirii no. Agyidifoɔ no nyinaa kɔɔ so tenaa ase se nnipa korɔ, na wɔkyekyeɛ won ahodeɛ mu momaa won ho won ho. Wɔton won ahodeɛ kyekyeɛ sika a wɔnya firii mu no maa won ho won ho sedee eho hia obiara. Daa na wɔbɔ mu hyia wɔ asɔredan mu de anigyeɛ ne Akoma pa bɔ mu didi wɔ won afie mu, kamfo Onyankopɔn, nya animuonyam wɔ nnipa anim. Eda biara na Awurade de won a ɔgye won nkwa no beka won ho (Asomafɔ 2:42-47).

Se wode wo ho rehye Kristo honam (Asore no) mu ye honhom mu mpɔntuo fapem.

Fa wo ho hye nsempaka mu

Asore ahodoɔ bebreɛ na wɔma nsempaka ho akwan-nya ne akuo nketewa. Bɔ mpaee sre Onyankopɔn se onkyere wo baabi a ɔbetumi de wo adi dwuma yie pa

ara. Nnipa a wɔhwehwe wɔn botae wɔ ɔsom mu na wɔtu mɔn wɔ wɔn ne Kristo anammɔntuo mu. Se ekwan a wobedi kan afa so no ammoa wo a, mma w'aba mu mmmu. Kɔ so ara sɔ akwan afoforɔ hwɛ!

Ɔweresem kakra bi a efa Nkwagyee ho a wobɛpɛ se wobɛwe agu wo tirim de ahyɛ wo gyidie mu kena nie:

Yesu buaa no se, “Merema woate aseɛ se, se wɔanwo wo foforɔ a, worentumi nkɔ Onyankopɔn Ahennie no mu” (Yohane 3:3).

Na sedee Onyankopɔn dɔɔ ewiase nie; se ɔde ne Ba a ɔwoo no korɔ no maeɛ, na obiara a ɔgye no di no anyera, na mmom wanya nkwa a enni awieeɛ. Onyankopɔn ansoma ne Ba amma ewiase se ɔmmɛbu ewiase aten, na mmom, ɔsoma no se, ɔmmegye ewiase nkwa (Yohane 3:16, 17).

Ɔno nko ara mu na nkwagyee wɔ; efiri se, edin bi-ara nni ewiase ha a nnipa nam so benya nkwagyee (Asomafoɔ 4:12).

Afei, ɔde wɔn firii adi bisaa wɔn se, “Awuranom, edeen na menyɛ na manya nkwa?” Wɔbuaa se, “Gye Awurade Yesu di na ɔbegye wo ne wo fiefɔɔ nyinaa nkwa” (Asomafoɔ 16:30-31).

Onyankopɔn na ɔbɔɔ nneema nyinaa, na ɔwɔ tumi se ɔye biribiara. Ne saa enti, efiri se eye ne pe se ɔde ne mma nyinaa beba n'animuonyam mu no, ɔmaa Agyenkwa no faa amanehunu mu sedee ebeye a, ne mma no nsa beka nkwagyee a eye pe no. Efiri se, Yesu nko ara ne Onipa a ɔbetumi adi wɔn anim akɔ nk- wagyee mu (Hebrifoɔ 2:10).

Onyankopɔn anyi yen se yemmehunu amane wɔ n'abufɔ ano, na mmom, ɔyii yen se yebɛnya nkwagyee wɔ Awurade Yesu Kristo mu (1 Tesalonikafoɔ 5:9).

Hunu Agyenkwa no

Yesu Kristo na ɔye Kristosom mu ntintimman, wɔatwere n'abrabɔ, n'amannee ne ne nsempaka ho nsem wɔ Nsem-pa ahodoɔ enan a ewɔ Apam Foforo mu no mu. Wɔnyaa edin Yesu firii Hebrew-Aramaic asemfua “Yesh-ua,” mu a aseɛ kyere se “Awurade ye nkwagyee.”

Awofoforo no fa onipa tebea, ne honhom ne ne suban nyinaa nsakrae ho. Gala-tifoɔ Nwoma no, Ti 5 ho no, Paul rekyerekyere biribi fa Honhom no suban ho na ɔka se, *Na wɔn a wɔye Kristo dea no abɔ wɔn nipasu no ne honam akɔnnɔ asennua mu. Se yete Honhom mu yi, momma yennante Honhom mu* (Galatifoɔ 5:24-25).

Saa abrabɔ foforo yi ne se wo ne Kristo adi nka-bom. *Se obi wɔ Kristo mu a, na ɔye abɔdeɛ foforo, na nneema dada nyinaa atwam ama nneema foforo aba* (2 Korintoforo 5:17).

Enti enye me na mete ase bio, na mmom, Kristo no na ɔte me mu. Saa asetena a mete mu seesei yi, mete ase wɔ Onyankopɔn Ba no a ɔɔ me na ɔde ne nkwa maa me no gyidie mu (Galatifoɔ 2:20).

Filipifoɔ 4:13 ka se, *Ahɔɔden a Kristo de ma me no enti, metumi gyina tebea biara ano.*

Onyankopɔn agye yen se yemmeɛ ne mma. Ebere a yenyaa nkwagyee no, yebeyee Onyankopɔn mma. Sedee Yesu kaa wɔ Yohane 1:12 no, *Na wɔn a wɔgyee no, na wɔgyee ne din diie no, ɔmaa wɔn tumi ma wɔbeyee Onyankopɔn mma.* Bio, Paul ka wɔ Galatifoɔ 4:6-7 se, *Esiane se moye mma enti, Onyankopɔn*

somaa ne Ba no Honhom baa yen akoma mu, Honhom a efre "Agya, Agya." Enti, wonye akoo bio, na mmom woye oha. Esiane se woye ne ba enti, Onyankopon de de owo nyinaa bema ne mma. Filipifo 4:19 ka se, Me Onyankopon firi ne nnepa a owo wo Kristo Yesu mu bema mo de ehia mo nyinaa. Yeiinom ye bohye akese a efiri yen Otumfo Agya a owo osoro no ho.

Enti, da biara nya ebere ma wo yonko foforo Yesu a woanya no yi na ama woahunu no yie. Odwene wo ho na osan nso do wo.

ADESUA NE NNWENNWENEHO NSEMMISA

- Asemfua 'Nkwagyee' ase kyere sen?
- Woahunu nkwagyee wo w'abrabo mu pen?
- Se dabi a, aden ntira?
- Yesu wu maa wo. Wosusu se aden enti na ogyee saa?
- Enti se yede Yesu to nkyen a, akwan afoforo bi wo ho a yebetumi afa so anya nkwagyee anaa?
- Awoforo no ase kyere sen?

- Wowa awerhyem se woanya nkwyee?
- Edeen na edi ho a ese se meye?
- Ekwan ben so na wofa ne W'agyenkwa di nkitaho da biara?